

四庫全書

子部

欽定四庫全書

子部

冊府元龜卷十四

五

詳校官中書臣瞿 照

員外郎臣牛稔文覆勘

總校官庶吉士臣何思鈞

校對官中書臣王鍾泰

謄錄監生臣張麟

欽定四庫全書

冊府元龜卷十四

宋 王欽若等 撰

帝王部

都邑第二

唐高祖武德元年五月受隋禪都長安改隋大興殿為  
太極殿昭陽門為順天門離宮別館游憩之所並廢  
十月以武功舊宅為武功宮

四年十二月使行臺僕射屈突通焚乾元殿應天門紫

微宮以其太奢

五年七月營弘義宮

初秦王居宮中承乾殿高祖以秦王有克定天下功特降殊禮別建

此宮以居之

六年四月幸龍潛舊宅改為通義宮

十二月以奉義監為龍躍宮帝龍潛時莊舍也又以武功宅為慶善宮

七年五月置仁智宮於宜州宜君縣

今防州縣

八年四月營太和宮於終南山

九年六月改東宮以禮嘉福等門為光宣門

太宗貞觀三年四月太上皇以弘義宮有山林勝景乃

徙居之改為太安宮

六年監察御史馬周上疏曰臣伏見太安宮在城之西其墻宇門闕

之制方之紫極尚為卑小臣伏以皇太子之宅猶處城中太安宮至尊所居更在城外雖太上皇游心道素志存清儉陛下重違慈旨愛惜人力而番夷朝見及四方觀者有不足瞻仰焉臣願營築雖堞修起門樓務從高敞以稱萬方之望則大孝昭乎天下矣

八年十月營永安宮改名大明宮以備太上皇清暑公

卿百寮爭以私財助役

十一年正月新作飛山宮

七月廢明德宮及飛山宮之玄圃院分給遭水之家

十四年八月營襄城宮初帝將幸雒陽遣將作大匠閻

立德行可消暑之地以建離宮於汝州西山前臨汝水

傍通廣城澤以置宮焉役工一百九十餘萬雜費稱是

十五年三月幸襄城宮及至暑熱又多毒虺帝大怒免

立德官而罷其宮分賜百姓

二十年七月辛亥宴五品已上於飛霜殿其殿在玄武

門北因地形高敞層閣三城軒欄相注又引水為潔淥池樹白楊槐柳與陰相接以滌炎暑焉

十月司空房玄齡及將作大匠閻立德大營北闕制顯道門觀並成

二十一年復營太和宮籠山為苑自初裁至於設幄九日而罷功因改名翠微宮正門北開謂之雲霞門視朝殿名翠微殿其寢殿名含風殿并為皇太子構別宮去臺連延里餘正門西開名金華門內殿名喜安殿七月

建玉華宮於宜州宜君縣之鳳凰谷帝手詔曰朕聞上  
代無為簷茅而砌土中季華用檻玉而臺瓊燥濕之致  
雖同奢儉之情則異朕承皇王之緒執造化之綱包萬  
類於心端圖八紘於目際夷夏一軌區宇大同雖則德  
有劣於難名道方叅於至義若乃制服垂裳之后服牛  
羈馬之君弦弧剡矢之竒運車浮舟之智濟時為美功  
亦大焉至若浩浩九齡炎炎七載融山坼地滔天襄陵  
生人之艱勞亦極矣彼數德者功莫高乎春秋此兩灾



者勞又甚乎裁宮今雖菲食卑宮有慙於曩哲安人濟  
難不愆於前賢然而人皆輕見重聞貴耳賤目德雖微  
也以其古而為大功雖巨也以其今而成小不亦謬哉  
每流鑑于前經嘗披懷而自勗思所以收驕閑逸卷慾  
除華而頃年已來憂勞煩結暨至茲歲風疾彌時嗟乎  
濟世之威患攢躬而靡制迴天之力痛沈已而難移重  
以景熾流金風揚滌暑遭迴几席旭慕增勞俯仰崑廊  
寢興添弊唯真廓景延涼蕩茲虛愆近因羣下之志南

營翠微本絕丹青之工纔假林泉之勢峰居隘乎蚊睫  
山逕險乎焦原雖一已之可娛念百寮之有倦所以載  
懷爽塏爰制玉華故遵意于朴厚本無情於壯麗尺版  
尺築皆悉折庸寸作寸功故非虛役猶恐遐邇乖聽方  
輿怨咨非其樂勞人而竭力好峻宇而雕墻但以養性  
全生不獨在私在已怡神祈壽良以為國為人比者屢  
有征行非無疲頓前歲問罪遼左去秋巡幸靈州皆以  
剪害除凶懷柔服叛豈欲矜轍跡騁盤遊而已哉今復

土木頻興營繕屢動永言思此深念人勞一則以為慙  
一則以為愧何則匈奴為患自古弊之十月防秋人血  
丹於水脈千里轉戰漢骨皓於塞垣當此之疲人不堪  
命尚興未央之役猶起甘泉之功今則毳幙穹廬取為  
郡縣天山瀚海分為苑池去既往之長勞成將來之永  
逸譬廻一年之役創此新宮想志士哲人不以為言也  
布告黎庶明此意焉宮既成正門謂之南風門殿覆瓦  
餘皆葺之以茅帝以意在清涼務從儉約匠人以為層

崑峻谷玄覽遐長於是疏泉抗殿包山通苑皇太子所居南風門之東正門謂之嘉禮門殿名暉和殿其官曹寺署並皆創立微事營造庶物亦擾市取供而折番和催之費以巨億計矣及帝遊幸勅奉御王孝積於顯道門內起紫微殿十三間文甃重基高敞宏壯帝見之甚悅

高宗永徽二年九月改九成宮為萬年宮廢玉華殿以為佛寺苑內及諸曹司舊是百姓田宅者並還本主

三年四月將作大匠闕立德造新殿成移御之日謂侍  
臣曰朕性不宜熱所司頻奏請造此殿既作之後深懼  
人勞今既暑熱朕居屋下尚有流汗匠人暴露事亦可  
愍所以不令精妙意者只避炎暑耳長孫無忌曰聖心  
每以恤人為念天德如此臣等不勝幸甚

五年三月幸萬年宮帝謂太尉長孫無忌曰此宮非直  
涼冷宜人且去京不遠朕離此十年屋宇無多損壞昨  
者不易一椽一瓦便已可安不知公等得安堵未曹司

廨署周足未乃親制萬年宮銘并序七百餘字羣臣請刊石建于永光門詔從之

十月修築京師羅郭和催雍州四萬一千人三十日功畢九門仍各施觀明德門一觀至五門

顯慶元年勅司農少卿田仁汪因事東都舊殿餘址修乾元殿高一百二十尺東西三百四十五尺南北一百七十六尺

六月改東宮弘教殿為崇教殿

二年十二月以雒陽宮為東都雒州官吏階品准雍州  
廢雒陽宮總監改青城宮為東都苑北面監明德宮為  
東都苑南面監雒陽宮農圃監為東都苑東面監食貨  
監為東都苑西面監雒州北市置官員准東西市隸太  
府寺

五年五月修雒水水波堰又於東都苑內造八關宮尋  
改為合璧宮

九月改東明門為賓躍門西明門為宣耀門時常機為

司農少卿受詔檢校東都營田園苑之事帝謂之曰兩  
都是朕東西二宅也今之宮館隋代所造歲序既淹漸  
將頽毀欲有修造又費財力如何機奏曰臣任司農向  
以十年前後省費今見貯錢三十萬貫若以供葺理可  
不勞而就也帝大悅詔機兼統將作少府二司使漸營  
之於是機始造宿羽高山等宮并移雒水之中橋自立  
德之西街徙於長夏之通衢遂廢利涉橋公私以為便  
及機遷職帝登雒水高岸有臨眺之美詔機於其所營



上陽宮宮成移御之

龍朔二年六月帝染風痺以宮內湫濕乃修舊大明宮改名蓬萊宮北據高原南望真塏是年置正門曰丹鳳正殿曰含元含元殿之後曰宣政宣政左右有中書門下二省弘文史二館

三年二月稅隴雍同岐豳華寧鄜坊涇虢絳晉蒲慶等州率口錢修蓬萊宮又減京官一月俸助修蓬萊宮

四月移仗就蓬萊宮是月始御紫宸殿聽政百寮奉賀

新落成也

初遣司稼少卿梁孝仁監造悉於庭院列白楊樹右曉衛大將軍契苾何力入宮中縱觀

孝仁指白楊曰此木易長不過二三年宮中可得蔭映何力不答但誦古詩白楊多悲風蕭蕭愁殺人意謂此是冢墓木也孝仁遽令拔去之更植梧桐謂人曰禮失求之於野固不虛也

麟德二年二月東都造乾元殿成所司奏乾元殿成其

應天門先亦焚之及是亦造成為則天門

神龍元年三月十一日避

元天后號改為應天門唐隆元年七月避中宗號改為神龍門開元初人為應天門

乾封二年二月改萬年宮依舊為九成宮

咸亨元年三月改蓬萊宮為含元宮

長安元年十一月又改為大明宮十

二月又改為大明殿神龍  
元年二月復改為含元殿

儀鳳三年正月詔藍田縣新作涼宮宜名萬全宮

四年五月造紫桂宮於澠池縣西

永淳元年四月改芳桂宮

是年帝

入雒乃移御雒北陰殿尚書左僕射劉仁軌謂侍御史

狄仁傑曰古之陂池臺榭皆在深宮重城之內不欲外

人見之恐傷百姓之心也常弘機之作列岸脩廊在於

堙堞之外萬方朝謁無不覲之此豈致君堯舜之意哉

弘機聞之曰天下有道百司各奉職輔弼之臣則思  
獻替之事腑職之臣行詔守官而已吾不敢越分也

永淳元年七月造奉天宮於嵩山之南仍置嵩陽縣

中宗神龍三年八月改玄武樓為制勝樓

睿宗景雲元年十月以大內為太極宮

玄宗開元二年七月宋王成器等累上表請以興慶舊里宅為宮乃下制曰朕昔與弟兄聯居藩邸虔奉聖訓遂膺昌期嘗思鄩杜之遊頗有芒碭之氣王等固陳符瑞取則不遠擬備巡幸推而勿居雖府在京師亦同於譙沛式遵故事宜依今請遂以興慶里舊邸為興慶宮

初帝在藩邸與宋王等同居于興慶里時人號曰五王子宅至景隆末宅內有龍池涌出望氣者云有天子氣中宗數行其地命泛舟以馳衆踏氣以厭之至是為宮焉後於西南置樓西面題曰

### 花萼相輝之樓南面題曰勤政務本之樓

至二十五年帝戒諸王曰

奉先帝宮室不敢有加時時補葺已愧於勞人矣唯興慶劇制乃朝廷百辟卿士以吾藩邸因欲修建不免群卿考室之詞是即庶民子來之請亦所以表休徵之地新作南樓本欲察吐俗採風謠以防壅塞是亦古闢四門達四聰之意時有作樂宴慰不徒然也今因大哥讓朱邸以成花萼相輝之美歷觀自古聖帝明王有所興作欲以助教化也吾所冀者式崇敦睦漸漬薄俗令其人信厚耳興慶宮在東內之南自東內達南內有夾城複道徑通北門達南內人主往來兩宮莫知之宮之西南隅有花萼相輝勤政務本之樓禁苑在皇城之比苑

東西二十七里南北三十三里東至汶水西連故長安城南連京城北枕渭水苑內離宮亭以二十四所漢長安故城南東西十三里亦隸入苑  
中苑置四面監總監以掌種植

五年七月改明堂為乾元殿詔曰古之操皇綱執大象者何嘗不上稽天道下順人極或變通以隨時爰損益以成務且衢室創制度堂以筵因之以禮神是光孝德用之以布政蓋稱視朔先王所以厚人倫感天地者也少陽有位上帝斯歆此則神貴於不躡禮殷於至敬今之明堂俯臨宮掖比之嚴祀有異肅敬苟非憲章將何軌

物繇是禮官博士公卿大夫廣參羣議欽若前古宜存  
路寢之式用罷辟雍之號可改為乾元殿每臨御宜依  
正殿禮

十一年并州置北都詔曰經邦創制建國設險必因時  
順人統物立極我國家以神武聖德應天受命龍躍晉  
水鳳翔太原建萬代之模為億兆之主猶成湯之居亳  
有周之興岐朕以眇身纂承昌運守祖宗之大寶恢中  
興之洪業叶時卜守經始此都事本因心情兼惟舊近

者嘉祥薦至休瑞屢臻此皆宗祏降靈神祇潛暨豈伊  
菲德獨享厥休昔堯理唐郊式建丹陵之地漢居雒邑  
更表南陽之都今王業正興宮觀猶在列于編郡情所  
未安非所以恢大聖之鴻規展孝思之誠敬其并州宜  
置北都改州為太原府刺史為尹司馬為少尹太原晉  
陽為赤縣諸縣為畿縣官吏品第視京雒兩府是年置  
溫泉宮於驪山

十三年六月廢都西市



十六年正月始移仗於興慶宮聽政

十九年六月詔曰京雒兩都是惟帝宅街衢坊市固須修整比聞取土穿掘因作穢汚坑塹四方遠近何以瞻矚頃雖處分仍或有違宜令所司申明前勅更不得於街巷穿坑及取土其舊溝渠令當界乘閒整頓疏決墻宇橋道亦當界漸修不得廣有勞役

二十四年四月改造天津橋合為一橋

六月廣花萼樓築夾城芙蓉園

十二月毀東市東北角道政坊西北角以廣花萼樓前  
二十六年正月修望春宮

十月兩京路行宮各造殿宇及屋千間

二十七年九月於明堂舊址造乾元殿

十月毀東都明堂之上層改下層為乾元殿

二十八年正月兩京路及城中苑內種果樹

天寶元年十月造長生殿名為集靈臺以祀天神

二年十二月東京應天門改為乾元門

六載十月改温泉宮為華清宮

十二月發馮翊華陰等郡丁夫築會昌羅城於温陽置

百司

七載十二月玄元皇帝降于朝元閣改為降聖閣

八載四月華清宮作觀風樓

五月於開遠門外作振旅亭

十載四月興慶宮作交泰殿

十二載十月城興慶宮後京師及三輔人凡一萬三千

人並以時估酬錢

肅宗至德二載十二月詔曰頃以上皇在蜀朕亦居岐蜀郡宜改為南京鳳翔改為西京西京為中京蜀郡改為成都府鳳翔府尹已下官寮並同三京名號

三載正月改丹鳳樓門安化門為達禮門以祿山國讎惡聞其姓京城及坊門名有安字悉改之

上元元年九月詔荊州大都督府宜改為江陵府仍為南都江陵縣為赤縣諸縣為畿縣長史為尹司馬為少

尹餘官屬名位並同京兆府及京畿赤縣並依舊

二年九月詔曰唐虞之代肇有九州王者所都文無異制其京兆府河南府太原府三京之號宜停其鳳翔先為西京亦宜准此

元年建卯月詔曰五都之號其來自久宜以京兆府為上都河南府為東都鳳翔府為西都江陵府為南都太原府為北都

代宗廣德元年九月禁城內六街種植

二年二月又詔禁之初諸軍諸使以時艱歲儉奏耕京城六街之地以供芻或謂非宜乃罷之

永泰元年二月出內人一千人品官六百人赴東京守衛

十一月河南等道都統黃門侍郎平章事王縉上言請減諸道軍資錢四十萬貫脩東都宮內殿宇從之

二年正月京兆尹黎幹大發夫役種城內六街樹是歲不許京城內坊市侵街築牆造舍舊者並毀之

德宗貞元三年作玄武門及觀於大明宮北垣

四年二月築延喜門北複道屬於永春門復脩延喜門  
觀

三月自武德東門築垣約左藏庫之北屬官城東垣於  
是武庫因而廢焉其器械隸於軍器仗

五年正月戶部侍郎班宏修玄武樓

八年正月新作玄武門及廡會鞠場

十二年八月增修望仙樓及廣夾城及十六王宅時京

城街衢中樹缺縣吏多栽榆樹以其省便會吳湊為京兆尹每歲唯令植槐樹成列

十三年三月於麟德殿前新造亭子成名曰會慶亭五月引龍首渠水自通化門入至太清宮前

七月浚魚藻池池先深一丈淘加四尺

八月詔曰昆明池俯近都城古之舊制蒲魚所產實利於人宜令京兆尹韓臯充使即勾當修堰漲池

十一月韓臯奏准勅漲昆明池修石炭賀蘭兩堰并造



土堰開淘湖渠都用錢七千四百三十貫文

十九年二月修含元殿

憲宗元和二年六月左神策軍新築夾城別開門曰玄  
化造樓曰晨輝

三年十月勅脩南內殿十三間牆舍共一千六百間及  
勤政樓明光樓

六年五月毀興安門南竹亭

八年五月河南尹許孟容進東都圖

九年六月置禮賓院於長興里北

十二年四月命右神策軍護軍中尉第五守進以衆二千築夾城自雲韶門芳林門西至脩德里以通于興福寺又置新市于芳林門南

閏五月作蓬萊池周廊四百間

十三年二月詔六軍使創修麟德殿之右廊又浚龍首池起承暉殿雕飾綺煥徙置佛寺之花木以充焉

十四年正月徙置仗內教坊於延政里

三月詔左右軍各以官徒二千人修勤政樓

穆宗以元和十五年正月即位二月詔於西上閣門西廊右畔便門以通宰臣自閣中赴延英路

七月新作永安殿及寶慶殿及修日華門通乾門并朝堂廊舍

八月發神策六軍二千人浚魚藻池

十月發右神策軍兵各十人於門下省東少陽院前築

墻

長慶元年五月禁中造百尺樓時帑歲未實内外多事  
土木之功屢興物議喧然以為不可

敬宗寶歷元年七月乙亥度支准宣進鏡銅三千餘斤  
黃金銀薄摠十萬翻修清思院新殿及陽德殿圍障  
二年正月甲戌左右神策六軍威遠皇城左右金吾共  
差二萬人入内穿池修殿

是月勅東都已來舊行宮宜令度支郎官一人領都料  
匠緣路檢計及雒城宮闕與東都留守商議計料分析

間奏

五月神策軍於苑內古長安城中修漢未央宮

文宗太和元年四月詔毀昇陽殿東放鴨亭望仙門側  
看樓十間並敬宗所造也

八月癸卯詔毀如京倉舍以其地歸門下寶歷未好廣  
苑圍門下省馬廐因通入禁中至是還之

二年八月勅修安福樓及南殿院屋宇一百八十八間  
又脩兩儀殿及甘露殿共一百七十二間

九月集賢院奏請創造昭慶門裏西牆至集賢院門南廊舍三十九間許之

九年二月勅都城勝賞之地唯有曲江承平已前亭館接連近年廢毀思俾葺修已令所司芟除栽植其諸司如有力要於曲江置亭館者給與閒地任其營造七月右軍擗仗使田金操請准勅拆銀臺門起修三門樓詔左軍官健二千人填龍首池以為踴場又詔左右軍官健各一千五百人赴曲江修建紫雲樓

九月帝幸右銀臺門觀門樓興工之作發左右神策軍  
一千五百人修淘曲江是日左右軍奏修曲江樓畢各  
進圖一軸是月內出新造紫雲樓彩霞亭額左軍中尉

仇士良以鼓吹迎於銀臺門

時帝好詩每吟杜甫曲江云江頭宮殿鏤千門細

柳新蒲為誰綠乃知天寶已前曲江四面皆有  
行宮臺殿思復昇平故事故為樓殿以臨之

武宗會昌元年三月勅造靈符應聖院於龍首池

五年正月造望仙臺於郊壇

六月修望仙樓及廊舍共五百三十九間

宣宗大中元年二月勅修百福殿院八十間

七月勅親親樓號雍和殿別造屋宇廊舍七百間

二年正月勅脩左銀臺門樓屋宇及南面城牆至觀武樓

五年詔脩明儀樓

昭宗光化元年正月車駕在華州詔以韓建脩京師宮闕是月李茂貞與諸道相次進表助營宮苑詔遣建自華至京經度宮室開構橋道九月自華還京



天祐元年正月梁王朱全忠遣將寇彥卿請車駕遷都  
雒陽閏四月至東都

哀帝天祐二年五月詔改雒都諸門與西京門同者延  
喜門改宣仁門重明門改興教門長樂門改光政門光  
範門改應天門乾化門改乾元門宣政門改敷政門宣  
政殿改貞觀殿日華門改左延福門月華門改右延福  
門萬壽門改萬春門積慶門改興善門含章門改膺福  
門含清門改延義門金鑿門改千秋門延和門改章善

門保寧殿改文思殿詔曰法駕遷都之日雒京再建之初慮懷上有類於新豐惟更門以合於舊制今則妖星既出於雍分高閎難倣於秦餘宜復別門之名以壯卜年之永是用分疆畫野寔顯驗於否臧東雒西京靡玄參於制度其京都見在門同西京門名並宜改復雒京舊門名蓋避妖星之變也

十月勅雒城坊曲內舊有朝臣及諸司宅舍經亂荒榛張全義葺理以來皆以耕墾既供軍賦即係公田或恐

妄有披論認為世業須煩按驗遂啟幸門其都內坊曲及畿內已耕殖田土諸色人並不得論認如要田業一任買賣凡論認者不在給還之限如有本主元自差人勾當不在此限如荒田無主即許識認付河南府

閏十二月皇城使奏伏以皇城之內咫尺禁闌晝夜巡警固須清肅伏乞准勅條漏鼓聲絕後禁斷人行今據軍人百姓更點動後尚恣夜行特乞聖慈再下六軍止絕從之

後唐莊宗同光元年四月即位於魏州是月升魏州為  
東京改元城縣曰興唐貴鄉縣曰唐晉都督府曰興唐  
府以太原為西京鎮州為北都

十二月壬申勅汴州偽庭所立殿宇諸門並去牌額復  
本名其宣武軍額置於咸安門所在宮苑即充行宮應  
有不合安鴟吻處並可去之

二年正月丁未勅朝元殿北是明堂殿偽梁改為朝元  
殿今復舊名其崇勳殿宜改為中興殿應順門改為永

曜門太平門改為萬春門道政門改為廣政門鳳鳴門  
改為韶和門萬春門改為中興門解却殿改為端明殿  
八月勅三川奧壤四海名區為帝王光宅之都乃符瑞  
薦臻之地周朝始建卜年遂啟於延洪漢室中興即土  
是圖於遠大成茲建極至我本朝壯麗可觀浩穰為最  
千門萬戶寔為富庶之鄉接廡連甍宛有升平之俗而  
自偽梁僭逆諸夏憑陵尋干戈而虐用蒸黎恣塗炭而  
毒流草木依憑鬼苑嘯聚梟巢遂令輦轂之間鞠興蕪

沒之歎朕自削平大憝纂嗣丕圖重興卜雒之都永啓  
朝宗之會將資久遠須議葺脩務令壯觀於九重實在  
駢羅於萬戶京城應有空閒地任諸色人請射蓋造藩  
方侯伯內外臣寮於京邑之中無安居之所亦可請射  
各自修營其空閒有主之地仍限半年本主須自脩蓋  
如過限不蓋屋宇亦許他人占射貴在成功不得虛占  
是月辛巳詔曰朕刷盪妖氛收復京輦三靈胥悅萬國  
駿犇凡在炤臨畢同欣戴或出司土宇入覲朝廷若無

列第於神州何表愛君之誠節諸道節度觀察防禦團練刺史等竝宜令雒京修宅一區既表皇居之壯麗復佳清雒之浩穰因我后之化家觀羣居之戀闕

壬午西都奏重修華清宮溫湯屋宇

三年三月詳定院奏近并魏州為東京簡諸道州縣須先定兩府始可各定官品未審依故事京兆河南為兩府太原興唐為次府天復以興王之地別有進止勅不唯府額各定於等差兼亦都名須正於升降將為經久

之制宜遵固本之文本朝故事雍州為西京京兆府雒州為東都河南府是謂京都兩府并州舊為北都太原府在兩府之次近以中興大業以魏州為東京興唐府權為東京為雒京竊以雒京歷代帝王之都四方朝貢所便爰自漢魏迄于隋唐方建都城是比宸極宜依舊以雒京為東都魏州改為鄴都興唐府與北京太原府並為次府豈獨設官分職命秩免惑於有司抑亦畫界分疆取則無違於故事



四月壬寅武德使上言重修嘉慶殿請丹漆金碧以營之帝曰此殿為火所廢不可不修但務宏壯何煩華侈尋改為廣壽殿

六月壬戌勅河南府開永通厚載二門應京城內空閒地如本主有力即速令蓋造若不脩營即許諸色人請射起屋其月左諫議大夫崔愬上言曰臣伏見雒都頃當制葺之初荒涼至甚纔通行逕徧是荆榛此際集人開耕便許為主或農或圃逾三十年近歲居人漸多里

巷頗隘須增屋室宜正街坊都邑之制度既成華夏之  
觀瞻益壯因循未改污濁增深竊惟舊制宮苑之側不  
許停穢惡之物今以菜園相接宗廟祠宇公府民家穢  
氣薰蒸甚非蠲潔請議條制俾令四方則之

八月左補闕楊途奏明君舉事須合前規竊見京城之  
內尚有南州北州縱市井不可移改城池即宜毀廢復  
見都城舊牆多已摧塌不可使浩穰神京旁通綠野徘  
徊壁壘俯近皇居無或因循常宜脩葺初光啟末張全

義為河南尹為蔡賊所攻乃於南市一方之地築壘自固後更於市南又築嘉善坊為南城天復修都之際元未毀撤遂所奏頗適事宜

九月中書奏右補闕楊遂先奏毀廢京內南北城臣簡到同光二年八月二十七日河南尹張全義奏臣自僖宗朝叨蒙委寄節制雒京臨蒞之初須置城壘臣乃取南市曹界分兼展一兩坊地修築兩城以立府衙解署今區宇既平理合毀廢其城濠如一時平治即計功不

少百姓忙時難為差使令欲且平女牆及擁門餘候農  
隙別取進止者奉勅京都之內古無郡城本朝多事以  
來諸侯握兵自保張全義土功未毀李罕之塞地猶存  
時既朗清故宜除剗若時差夫役又恐擾人宜令河南  
府先分擘出舊日街巷其城壕許人占射平填便任蓋  
造屋宇其城基內舊有巷道處便為巷道不得因循妄  
有侵占仍請限一月如無力平剗許有力人戶占射平  
填

庚申新作興教門樓

明宗長興元年正月宗正少卿李延祚奏請止絕車牛不於天津橋來往

二年六月戊辰應京城六街及諸閒坊先許人脩建屋室近閒侵地太多乃至不通車駕今後蓋造外須通車馬或有越衆牽蓋並須畫時毀拆并果園池亭外餘種蒔菜園空閒田地如本自辦即限三月內蓋造須畢如自不辦並許人收買勅旨伊雜之都皇王所宅乃夷夏

歸心之地非農桑取利之田當亂離而曾是荒涼及開  
泰而競為脩葺從來閭寂多已駢闐永安天邑之居宜  
廣神州之制宜令御史臺兩街使河南府專切依次第  
擘畫曉示衆多勿容侵越或有利便亦可臨時詳度奏  
聞其月河南府奏准勅京城坊市人戶菜園許人收買  
切慮本主占佃年多以鬻蔬為業固多貧窶豈辦蓋造  
恐資有力轉傷貧民勅旨都邑之間殷繁是貴欲九重  
之轉盛在百堵以齊興作事斷自於不疑出令必歸於

畫一比據巡司申奏為有亂射土田遂設規程令還價  
值只要增修舍屋添蓋閭閻貴使華夏共觀壯麗朝廷  
以邦本興隆之計務使駢闐府司以園圃價例之間恐  
傷貧下備詳敷奏須議允俞其在京諸坊若是有力人  
戶及形勢職掌曹司等已有居第外於別處及連宅置  
得菜園令園子主把或典賃與人者並准前勅價例出  
賣不得輒有違越如實是貧窮不濟人戶置得園圃年  
多手自灌園身自賣菜以供衣食者則與等第特添價

直仍使買者不得廣置地位各量事力須議修營並要酌  
中庶無踰越

三年二月庚午脩平頭門樓畢名乾通之門

四月戊午中書奏奉勅重定三京諸道州府地望次第  
者據十道圖舊制以王者所都之地為上本朝都長安  
遂以關內道為上今宗廟宮闕見都雒陽請以河南道  
為上關內道第二河東道第三餘依舊制又本朝都長  
安以京兆府為上今都雒陽請以河南府為上其五府



按十道圖以關內道為上遂以鳳翔府為首河中都江陵興元為次中興初升魏博為興唐府鎮州為真定府皆是創業興王之地不與諸府雷同今望以興唐真定二府升在五府之上合為七府餘依舊制

七月汴州李從暉奏當州舊司天臺有銅渾儀并板閣並在露地損爛欲毀拆勅旨復令繕理不得輒毀

四年六月詔宮西新園宜名永芳園其間新殿宜名和

慶殿

愍帝應順元年閏正月甲寅集賢院上言以敕書修創  
凌煙閣詔問閣高下等級其凌煙閣都長安時在西內  
三清殿側畫像皆北向閣有中隔隔內北面寫功高宰  
輔南面寫功高諸侯王隔外面次第圖畫功臣題贊自  
西京版蕩四十餘年舊日主掌官吏及畫像工人淪喪  
集賢院所屬寫真官畫真官人數不少都雒後廢職今  
將特起閣請先定佐命功臣數請下翰林院預令寫  
真本及下將作差人與畫工序間架修建院內先有寫

真官沈居隱畫真官王武瓊二人相次淪亡無人應用  
詔集賢御書院復置寫真官畫真官各一員餘依所奏  
晉高祖天福二年正月丙寅改中興殿中興門為天福  
殿天福門五月丙辰御史中丞張昭遠奏汴州在梁室  
朱氏稱制之年有京都之號及唐莊宗平河南復廢為  
宣武軍至明宗行幸之時掌事者因緣脩葺衙城遂挂  
梁室時宮殿門牌額當時識者或竊非之昨車駕省  
方暫居梁苑臣觀衙城內齋閣牌額一如明宗行幸之

時無都號而有殿名恐非典據臣竊尋秦漢已來寰海之內鑾輿所至多立宮名近代隋室於揚州立江都宮太原立汾陽宮岐州立仁壽宮唐朝於太原立晉陽宮同州立長春宮岐州立九成宮宮中殿閣皆題署牌額以類皇居臣伏准故事請於汴州衙城門權挂一宮門牌額則其餘齋閣並可以取便為名庶使天下式瞻稍為宜稱者勅旨行闕宜以大寧宮為名其餘候續勅處

分

七月改玄德殿為廣政殿玄德門為廣政門

十一月改雒京潛龍宅為廣德宮北京潛龍宅為興義

宮

三年十月丙辰詔曰為國之規在於敏政建都之法務要利民歷攷前經朗然通論顧惟涼德獲啟丕基當數朝戰伐之餘是兆庶傷殘之後車徒既廣帑廩咸虛經年之輓粟飛芻繼日而勞民動衆嘗煩漕運不給供須今汴州水陸要衝山河形勢乃萬庾千廩之地是四通

八達之郊爰自按巡益觀宜使俾升都邑以利兵民汴州宜升為東京置開封府仍升開封浚儀兩縣為赤縣餘升為畿縣應舊制開封府時所管屬縣並可仍舊割屬收管亦升為畿縣其雒京改為西京其雍京改為晉昌軍丁亥詔改太寧宮門為明德門又改京城諸門名額南門尉氏門以薰風為名西二門鄭門梁門以金義乾明為名北二門酸棗封丘門以玄化宣陽為名東二門曹門宋門以迎春仁和為名

四年二月辛卯改東京玉華殿為永福殿三月己卯改明德殿為滋德殿宮城南門同名故也

五年九月戊子改東京上源驛為都亭驛

六年八月壬子勅改鄴都皇城南門應天門為乾明門大名館為都亭驛

七年閏三月勅改宣明門為朱鳳武德殿為視政文思殿為崇德畫堂為太清寢殿為乾福其門悉從殿名皇城南門改為乾明北為玄德東為萬春西為千秋

四月乙丑敕改鄴都羅城及大城諸門羅城南博門為  
廣運門觀音門為金明門橙槽門為清景門寇氏門為  
永芳門朝城門為景風門大城南門為昭明門觀德門  
為廣義門北河門為靖安門魏縣門為膺福門尉氏門  
為迎春門朝臣門為興仁門上斗門為延清門下斗門  
為通遠門

漢高祖以天福十二年二月即位於太原宮以太原為  
北京五月車駕至東京

即汴州也



周太祖廣順元年六月以唐都長安時京城等門比定  
今東京諸門薰風等為京城門明德門為皇城門啟運  
等為宮城門昇龍等為宮門崇元等為殿門

二年正月詔開封府脩補京師羅郭率府界丁夫五萬  
五千板築旬日罷以積年不脩不可通過薰淘杼舊壕  
免雨水壞民廬舍故也

三年六月雒京武行德言五鳳樓西面朶樓北塼座落  
一丈三尺

十月勅入厚載門內向東橫街東北屋宇宜令弘文館  
史館集賢等三館於此分擘廨署

世宗顯德元年七月西京留守武行德率其部民萬數  
完雒陽羅城先是車駕自太原迴行德覲於河陽帝以  
雒表城隍頽缺有日矣因面諭行德令葺之繇是徵丁  
夫數千而加板築焉

二年四月詔曰惟王建國實曰京師度地居民固有前  
則東京華夷臻湊水陸會通時向隆平日增繁盛而都

城因舊制度未恢諸衛軍營或多窄隘百司公署無處  
興修加以坊市之中邸店有限工商外至億兆無窮儻  
賃之資增添不定貧闕之戶供辦實艱而又屋宇交連  
街衢湫隘入夏有暑濕之苦居常多烟火之憂將使公  
私須廣都邑宜令所司於京城四面別築羅城先立標  
幟候將來冬末春初農務閒時即量差近甸人夫漸次  
修築春作纔動便令放散如或土功未畢則迤邐次年  
脩築所冀寬容辦集今後凡有營葬及興置宅竈井草

市並須去標幟七里外其標幟內候官中擘畫定街巷軍營倉場諸司公廨院務了即任百姓營造

三年六月癸亥詔曰輦轂之下謂之浩穰萬國駿奔四方繁會此地比為藩翰近建京都人物誼闐閭巷隘陞雨雪則有泥濘之患風旱則多火燭之憂每遇炎蒸易生疫疾近者開廣都邑展引街坊雖然暫勞久成大利朕昨自淮上廻及京師周覽康衢更思通濟千門萬戶庶諧安逸之心歲暑隆冬倍減寒溫之苦其京城內街

道濶五十步者許兩邊人戶各於五步內取便種樹掘井修蓋涼棚其三十步以下至二十五步者各與三步其次有差

五年五月賜東京新城諸門名額在寅曰寅賓門在辰曰延春門在巳曰朱明門在午曰景風門在未曰畏景門在申曰迎秋門在戌曰肅政門在亥曰玄德門在子曰長景門在丑曰愛景門改大內東偏舊賓天門為通苑門又以京城東新修驛為懷信驛以待江南貢使焉

恭帝顯德六年十二月改萬歲殿為紫宸殿

冊府元龜卷十四

欽定四庫全書

冊府元龜卷十五

宋 王欽若等 撰

帝王部

年號

傳曰履端於始序則不愆自三代之際五行更王雖三  
統循環迭舉歲首至于紀年標歷未聞他制逮漢之文  
景始有前後之稱施及孝武肇創建元之號厥後或章  
述德美昭著祥異或弭災厭勝計功稱伐或一號而不

易或一歲而屢改其有矯時遵古但紀歲歷者亦不遠而復斯乃前王因時立制後代沿襲而不可易者也

漢文帝即位十七年改元後元年

新垣平候日再暈以為吉祥故改元以來

延年之祚也盡七年

景帝前元年

盡七年

中元年

盡六年

後元年

盡三年

武帝即位建元元年

盡五年



元光元年

以長星見故為元光盡六年

元朔元年

朔始也言更為初始也盡六年

元狩元年

獲白麟因改元曰元狩

有司言元宜以天瑞命不宜以一

二數

得諸瑞以名年

一元曰建

建元元年是

二元以長星曰光

以有長星

之光故曰元光元年

今郊得一角獸曰狩云

盡六年

元鼎元年

得寶鼎故因是改元盡六年

元封元年

始封泰山故改元盡六年

太初元年

初用夏正以正月為歲首故改元為太初盡四年

天漢元年

時頻年苦旱故改元為天漢以祈甘雨大雉有雲漢之詩周大夫仍叔所作也以美宣王

遇旱災修德勤政而能致雨故依以為年號盡四年

太始元年

言蓋滌天下與民更始故以冠元盡四年

征和元年

言征伐四夷而天下和平也盡四年

後元年

盡二年

昭帝始元元年

盡其三年

元鳳元年

三年中鳳凰比下東海海西樂鄉於是冠元焉盡六年

元平元年

盡六年

宣帝本始元年

年 盡四

地節元年

曰地節欲令地得其節盡四年

元康元年

年 盡四

神雀元年帝幸河東祠后土有神雀集改元

年 盡四

五鳳元年

先者鳳凰五至因以改元盡四年

甘露元年

年 盡四

黃龍元年

漢儀注云此年二月黃龍見廣漢郡故改元盡六年

元帝初元元年

年 盡五

永光元年

盡五年

建昭元年

盡五年

竟寧元年

呼韓邪單于願保塞邊竟得  
以安寧故以冠元盡其年

成帝建始元年

盡四年

河平元年三月詔曰河決東郡流漂二州

兗州豫州之地

校尉

王延世隄塞輒平其改元為河平賜天下吏民爵各有

差

盡四年五月

陽朔元年

六月以山陽火生石中改  
元言陽氣之始盡四年

鴻嘉元年

年 盡四

永始元年

年 盡四

元延元年

年 盡四

綏和元年

年 盡二

哀帝建平元年

年 盡四

元壽元年

年 盡二

平帝元始元年

年 盡五

孺子嬰居攝元年

王莽鴆平帝立之年二  
歲 盡三年為莽所篡

後漢光武建武元年六月己未即皇帝位于鄗大赦改

元

盡三十二年三月

中元元年

二月柴望岱宗登封泰山禪于梁父四月改元盡二年

明帝永平元年

盡十八年

章帝建初元年

盡八年

元和元年

盡三年

章和元年七月詔曰朕聞明君之德啓迪鴻化緝熙康

大光照六幽

緝熙光明也六幽謂六合幽隱之處

訖惟人面靡不率俾仁

風翔于海表威霆行乎鬼區

鬼區即鬼方

然後敬恭明祀膺

五福之慶獲來儀之貺朕以不德受祖宗弘烈乃者鳳

凰仍集麒麟並臻甘露宵降嘉穀滋生芝草之類歲月

不絕朕夙夜祇畏上天無以彰于先功今改元和四年

為章和元年

盡二年

和帝永元元年

盡十六年

元興元年

四月庚午大赦改元盡其年

殤帝延平元年

盡其年

安帝永初元年

年 盡七

元初元年

正月甲子改元 盡六年

永寧元年

四月丙寅立皇太子改元 盡其年

建光元年

年 盡其

延光元年

二月丙午大赦改元 盡四年

順帝永建元年

延光四年十一月中黃門孫程等十九人斬江京等迎立帝自濟陰王即皇帝

位明年正月改元 盡六年

陽嘉元年

三月庚寅帝臨辟雍射大赦改元 盡四年



永和元年

正月己巳宗祀明堂登雲臺大赦改元盡六年

漢安元年

正月癸巳宗祀明堂大赦改元盡二年

建康元年

四月辛巳立皇太子大赦改元盡其年

冲帝永嘉元年

建康元年八月庚午自皇太子即位明年正月改元盡其年

質帝本初元年

永嘉元年正月丁巳封建平侯其月即皇帝位明年正月改元盡其年

桓帝建和元年

本初元年閏六月庚寅自蠡吾侯即皇帝位明年正月改元盡三年

和平元年

正月甲子大赦改元盡其年

元嘉元年

正月癸酉大赦改元盡二年

永興元年

五月丙申大赦  
改元盡二年

永壽元年

正月戊申大赦  
改元盡三年

延熹元年

正月庚戌大赦  
天  
下改元盡九年

永康元年

六月庚申大赦  
改元盡其年

靈帝建寧元年

永康二年正月  
自解瀆亭侯即位改元  
盡四年

熹平元年

正月己巳大赦  
改元盡六年

光和元年

盡六年

中平元年

是年破黃巾賊  
十二月改元  
盡六年

弘農王光熹元年

中平六年四月即位  
改元盡其年七月

昭寧元年

八月改元  
盡其年

獻帝永漢元年

昭寧元年九月即位改元是年十二月  
詔除光熹昭寧永漢三號還復中平六

年

初平元年

盡四年

興平元年

正月辛酉大赦  
改元盡二年

建安元年

正月癸酉郊祀上帝於安  
邑大赦改元盡二十四年

延康元年

三月改元盡其年十月禪於魏  
建武元年乙酉歲中興盡庚子合一百九十

六年

魏文帝黃初元年十一月庚午帝自魏王登壇即作百

官陪位事訖降壇視燎成禮而反改延康為黃初盡七年

明帝太和元年盡六年

青龍元年正月甲申青龍見郊之摩陂井中二月丁酉辛摩陂觀龍於是改元盡五年

景初元年正月壬辰山荏縣言黃龍見於是有司奏以為魏得地統宜以建丑之月為正三月定歷

改年為孟夏四月初文皇帝即位以受禪于漢正因循漢正朔弗改帝在東宮著論以為五帝三王雖同氣共祖禮不相襲正朔自宜改變以明受命之運及即位優游者久之史官復著言宜改乃詔三公持進九卿中郎

將大夫博士議郎千石六百石博議議者或不同帝據  
古典甲子詔曰夫太極運三辰五星於上元氣轉三統  
五行於下登降周旋終則又始故仲尼作春秋於三微  
之月每月稱王以明三正迭相為首今推三統之次魏  
得地統當以建丑之月為正月考之羣議厥義章  
矣其改青龍五年三月為景初元年四月盡三年

齊王以景初三年正月丁亥即位十二月詔曰烈祖明

皇帝以正月棄背天下臣子永惟忘日之哀其復用夏

正雖違先帝通三統之義斯亦禮制所繇變改也又夏

正於數為得天正其以建寅之月為正始元年正月以

建丑月為後十二月

盡九年

嘉平元年

四月乙丑改元  
盡六年九月

高貴鄉公正元元年

嘉平六年十月司馬昭廢齊王迎  
立即皇帝位是月改元盡三年五

月

甘露元年

五月鄴及上谷並言甘露降下  
八月丙申改元盡五年五月

陳留王景元元年

甘露五年五月己丑司馬昭使成濟  
弒高貴鄉公六月甲寅自安次縣嘗

道鄉公即位大  
赦改元盡四年

咸熙元年

盡二年十二月禪于晉按甲子魏  
自庚子歲建國至乙酉合四十六年

晉武帝泰始元年十二月丙寅設壇於南郊帝升壇受

禪禮畢即雒陽宮幸太極前殿大赦改元盡十年

咸寧元年

正月戊午朔大赦改元盡五年

太康元年

二月平吳大赦改元盡十年

太熙元年

正月辛酉朔改元盡其年三月

惠帝永熙元年

太熙元年四月自太子即位大赦改元盡其年

永平元年春正月乙酉朔臨朝不設樂詔曰朕夙遭不

造淹恤在疚賴祖宗遺靈宰輔忠賢得以眇身託于羣

后之上昧於大道不明於訓戰戰兢兢夕惕若厲乃者

哀迷之際三事股肱惟社稷之重率遵翼室之典猶欲  
長奉先皇之制是以有永熙之號然日月踰邁已涉新  
年開元易紀禮之舊章其改永熙二年為永平元年

其盡

年二  
月

元康元年

永平元年二月誅太傅  
楊駿大赦改元盡九年

永康元年

正月癸亥朔大  
赦改元盡其年

永寧元年

四月乘輿反正大赦  
改元盡其年十一月

太安元年

十二月大赦  
改元盡二年



永興元年

正月大赦改元永安七月大赦改元建武十一月大赦改元復為永安十二月大赦改元

永興盡

二年

光熙元年

六月辛未大赦改元盡其年

懷帝永嘉元年

光熙元年十一月自太弟即位明年正月癸丑朔大赦改元盡七年正月

愍帝建興元年

永嘉七年正月懷帝為劉聰所弑四月壬申即位大赦改元盡五年

元帝建武元年

三月辛卯即位晉王位大赦改元盡其年

太興元年

三月癸丑即皇帝位大赦改元盡四年

永昌元年

正月己卯大赦改元盡其年

明帝太寧元年

年 盡三

成帝咸和元年

改元 二月丁亥大赦  
元 盡九年

咸康元年

正月庚午朔帝加元  
服大赦 改元 盡八年

康帝建元元年

年 盡二年

穆帝永和元年

正月甲戌朔皇太后設白紗帷於  
太極殿抱帝臨軒 改元 盡十二年

升平元年

正月壬戌朔帝加元  
服大赦 改元 盡五年

哀帝隆和元年

正月壬子大赦  
改元 盡其年

興寧元年

二月己亥大赦  
改元 盡三年

廢帝太和元年

年 蓋六

簡文帝咸安元年

位十一月巳酉即皇帝  
改元 蓋二年

孝武帝寧康元年

正月巳丑朔  
改元 蓋三年

太元元年

正月壬寅朔帝加元服  
大赦 元 蓋二十一年

安帝隆安元年

正月巳亥朔帝加  
元服 改元 蓋五年

元興元年

正月庚午朔大  
赦 改元 蓋三年

義熙元年

正月帝在江陵大赦改  
元 二月反 正 蓋十四年

恭帝元熙元年

正月壬辰朔改元 蓋  
二年九月禪于宋

後魏道武登國元年

正月戊申即代王位  
於牛川四月改稱魏王  
於天建元大

皇始元年

七月左司馬許謙上書勸進尊號  
始建天子旌旗出入警蹕於是改元  
盡二年

天興元年

十二月己丑臨天文殿司徒進璽  
綬百官咸稱賀大赦改元盡六年

天賜元年

盡六年  
十月

明元帝永興元年

十月即位大赦  
改元盡五年

神瑞元年

正月辛酉以祥瑞頻  
集大赦改元盡二年

泰常元年

四月大赦改  
元盡八年

太武帝始光元年

泰常八年十月自泰平  
王監國即位盡四年

神麋元年

二月改元盡四年先是定州獻白麋鹿又見于樂陵因以改元立皇太子

延和元年

正月丙午謁於太廟大赦改元盡三年

太延元年

正月甲申大赦改元盡五年

太平真君元年

六月丁丑皇孫生大赦改元盡十一年

正平元年

六月壬戌改元盡二年

文成帝興安元年

正平二年十月戊申即位大赦改元盡二年

興光元年

七月庚子皇子生辛丑大赦改元盡其年

太安元年

六月壬戌曲赦京城改元盡五年

和平元年

正月甲子朔大赦改元盡六年

獻文帝天安元年

和平六年五月甲辰即位踰年改元盡其年

皇興元年

八月戊申皇子生大赦改元盡五年八月

孝文帝延興元年

皇興五年八月丙午即位大赦改元盡五年

承明元年

六月辛未上皇終士申大赦改元盡其年

太和元年正月乙酉詔曰朕夙承寶業懼不堪荷而天  
貺具臻地瑞竝應風和氣暎天人交協豈朕冲昧所能  
致哉實賴神祇七廟降福之助今三正告初祇感交切

宜因陽始令協典章其改今號為太和元年

太和二十三年四月自皇太子即位明年正月大赦改元盡四年

宣武帝景明元年

太和二十三年四月自皇太子即位明年正月大赦改元盡四年

正始元年

二月丙寅大赦改元盡四年

永平元年

八月丁卯大赦改元盡四年

延昌元年

四月乙酉大赦改元盡四年

孝明帝熙平元年

延昌四年正月丁巳即位踰年改元盡二年

神龜元年

二月己酉詔以神龜表瑞大赦改元盡二年

正光元年

七月辛卯帝加元服大赦改元盡五年

孝昌元年

六月癸未大赦  
改元盡三年

武泰元年

正月丙寅大赦  
改元盡其年二月

孝莊帝永安元年

四月即位改建義元年九月乙亥以  
平葛榮大赦天下改為永安元年盡

三年

長廣王建明元年

永安二年十月自太原太守行并州  
刺史為爾朱世隆等推立改元盡二

年二月禪  
于前廢帝

前廢帝

亦謂之  
節閔

普泰元年

建明二年二月己巳  
即位改元盡其年

後廢帝中興元年

建明二年十月即位信都升壇焚燎  
大赦改元盡二年四月遷位于出帝



西魏武帝

亦謂之出帝

永熙元年

中興二年四月戊子即位  
大赦改元太昌元年十二

月丁亥大赦天下改太昌為永興又  
以太宗年號尋改元永熙盡三年

文帝大統元年

永熙三年閏十二月自南陽王為宇文泰所推立明年改元盡十七年

廢帝元年

大統十七年三月自皇太子即位明年去  
年號稱元年盡三年正月為宇文泰所廢

恭帝元年

廢帝三月正月自齊王為宇文泰所  
立盡三年十二月庚子禪位于周

後周閔帝元年

正月辛丑即天王  
位稱元年盡二年

明帝元年

閔帝元年九月自岐州刺史寧都  
郡公即天王位稱元年盡二年

武成元年

八月己亥改天王稱皇帝追尊文王為帝  
大赦改元盡二年自武成以前不立年號

武帝保定元年正月戊申詔曰寒暑亟周奄及徂歲改元命始國之典章朕承寶圖宜遵故實可改武成三年

為保定元年

帝自武成二年四月即位踰年改元盡五年

天和元年

正月癸未大赦改元盡六年

建德元年

三月丙辰大赦改元盡六年

宣政元年

三月壬辰改元盡其年初改宣政梁主蕭巋離合其字為宇文亡日其年六月終

宣帝大成元年

宣政元年六月即位正月朔受朝於露門大赦改元盡其月

大象元年

二月傳位太子大赦改元盡二年初改大象梁王蕭巋又離合其字曰太子冢明年而終

靜帝大定元年正月壬午詔曰朕以不天夙遭殛罰光

陰遘連遽及此辰窮慕纏綿言增號絕踰祀革號憲章

前典可改大象三年為大定元年

盡其年二月  
遜位于隋

隋高祖以後周大定元年二月甲子自相國受禪即位

改元開皇元年

盡二十  
年

仁壽元年

正月乙酉朔大  
赦改元盡四年

建德元年

三月誅大冢宰宇文  
護大赦改元盡六年

煬帝大業元年

以仁壽四年七月即位明年正月改元  
盡十三年初改大業識者惡之曰於字

離合為大苦未也尋而天下  
喪亂率土遭塗炭之酷焉

恭帝義寧元年

大業十三年十一月壬戌自代王為唐公所立大赦改元盡二年五月禪于唐

唐高祖武德元年五月甲子即皇帝位於太極殿大赦

天下改隋義寧二年為唐武德元年

盡九年

太宗以武德九年八月即位明年正月乙酉詔曰朕遐

觀方冊歷選前聖大道既隱至公斯革莫不思樹風聲

用隆龜鼎太皇膺籙受圖功成治定鄙聖人之餘事顧

天下而窅然永言俗累高居物表爰以大寶俯授微躬

自肅奉神器並移灰律三正在旦萬國來庭長世之術  
既弘惟新之命方始體元居正今則其時可改武德十

年為貞觀元年

盡二十二年

高宗以貞觀二十三年五月即位明年正月辛丑詔曰  
比者恭膺寶位乃叶天時繼奉休命必因正朔太宗文  
皇帝龔行天罰寧一區夏宏功無外盛烈難名攀望徽  
猷哀盈園寢朕以寡德守茲神器仰憑堂構俯暢生靈  
酌彼彛倫道兼文武方今孟陬獻部常儀佇歷三元首

事萬國來庭宜遵經國之典以叶陽秋之義可改貞觀

二十四年為永徽元年

盡六年

顯慶元年

正月辛未立代王弘為皇太子  
壬申大赦改元盡六年二月

龍朔元年

二月乙未晦以百濟  
五州皆言龍見於是改元盡三年

麟德元年

正月以絳州麟見於介山舍元殿前  
銀臺閣內並觀麟趾改元盡二年

乾封元年

正月戊辰朔有事於泰山壬申御朝  
觀壇受賀大赦改元盡三年二月

總章元年

三月明堂成大赦  
改元盡三年三月

咸亨元年

三月京師旱大赦  
改元盡五年七月

上元元年

八月追尊高祖太宗大  
赦改元盡三年十月

儀鳳元年

十一月陳州上言鳳凰見於宛丘縣大  
赦改元盡四年六月三年四月戊申以旱大赦天

下改來年正月一日為通乾元年二月又  
詔停明年通乾之號以反語不善故也

調露元年

六月大赦改元  
盡二年七月

永隆元年

八月乙丑立英王哲為太  
子大赦改元盡二年九月

開耀元年

十月乙丑曲赦定襄  
軍改元盡二年正月

永淳元年

二月癸未以皇太子誕皇孫滿  
月大赦改元盡二年十一月

弘道元年

十二月丁巳大  
赦改元盡其月

中宗以弘道元年十二月甲子自皇太子即位明年正

月改元嗣聖

是年二月則天皇后廢帝為廬陵王立豫王旦大赦改元文明元年其年九月甲寅

大赦改元光宅元年二年正月丁未朔以徐敬業平大赦改元垂拱元年五年正月乙卯朔饗祀明堂大赦改

為永昌元年二年十一月庚辰朔日南至饗明堂大赦改為載初元年用周正朔以十一月為正月十二月為

臘月正月為一月十月為年終其年九月壬午則天革命稱周廢豫王為皇嗣賜姓武大赦改為天授元年三

年四月丙申大赦改為如意元年九月庚子大赦改為長壽元年三年五月則天僭號越古金輪聖神皇帝大

赦改元為延載元年二年正月辛巳朔則天僭加號慈氏大赦改為證聖元年是年九月甲寅則天加號天冊

大赦改為天冊萬歲元年二年三月重造明堂成號為通天宮大赦改為萬歲通天元年二年九月大享天宮



大赦改為神功元年二年正月壬戌大赦改為聖歷元  
年三年五月癸丑大赦改為久視元年二年正月丁丑  
以成州有佛跡見改為大足元年其年十月  
則天幸長安大赦改為長安元年盡四年

神龍元年

正月壬午朔大赦改元是月甲戌  
則天歸政於中宗盡三年八月

景龍元年

九月庚申御太極殿受神龍皇  
帝尊號大赦改元盡四年五月

溫王唐隆元年

六月即位大赦改元韋庶人  
臨朝盡其月遜位于睿宗

睿宗景雲元年

十月冊立宗為皇子是日  
有景雲之瑞改元盡二年

太極元年

正月戊子幸滌東親藉田已  
丑大赦改元盡其年四月

延和元年

五月戊寅有事于北郊辛  
巳大赦改元盡其年四月

玄宗先天元年八月自皇太子受太上皇傳位大赦改

元

盡二年十一月

開元元年

十一月上尊號為開元神武皇帝十一月改元盡二十九年

天寶元年

正月丁未朔御勤政樓受朝賀大赦改元三年改年為載盡十五年

肅宗以天寶十五載七月甲子即位於靈武改元至德

年盡二

乾元元年

正月乙巳帝於興慶殿奉太上皇尊號曰太上至道大聖皇帝禮畢大赦改元盡三年四月

月

上元元年

閏四月己卯御鳴鳳門  
大赦改元盡其年八月

元年九月壬寅制曰欽若昊天定時成歲春秋五始義  
在體元惟以紀年更無潤色至于漢武飾以浮華非前  
王之茂典豈永代而為則三代受命正朔皆殊宗周之  
王寶得天統陽生元氣之本律首黃鍾之尊制度可存  
叶用斯在自今已後朕號唯稱皇帝其年號但稱元年  
上元之號其以今年十一月為歲首便數建丑建寅每

月以所建為數

盡其年  
三月

寶應元年四月詔曰上天降寶獻自楚州神明生歷數之符合璧定妖災之氣總集瑞氣祇承鴻休因以體元叶乎五紀其元年改為寶應元年建巳月為四月依舊以正月一日為歲首受茲福應佇以升平

是月太子即位

代宗以寶應元年四月即位二年七月壬寅羣臣上尊號壬子大赦改元為廣德

盡二年

永泰元年

正月癸巳朔御舍元殿受朝賀下制改元盡二年十月

大歷元年

十一月甲子日長至御舍元殿大赦改元盡十四年

德宗以大歷十四年五月即位明年正月丁卯朔御舍

元殿受朝賀下詔改為建中

盡四年

興元元年

正月癸酉朔御舍元殿受朝賀大赦改元盡一年

貞元元年

正月丁酉朔御舍元殿受朝賀大赦改元盡二十一年七月

順宗以貞元二十一年正月即位八月庚子傳位於皇

太子大赦改元永貞

盡其年

憲宗以永貞元年八月即位明年正月改元元和元年

盡十五年

穆宗以元和十五年正月丙午即位明年正月辛丑郊

祀禮畢大赦改元為長慶

盡四年

敬宗以長慶四年正月癸酉即位明年正月辛亥親祀

昊天上帝禮畢御丹鳳樓大赦改元寶曆

文宗以寶曆二年十二月乙巳即位明年二月乙巳御

宣政殿大赦改元太和

盡十年

開成元年

正月辛丑朔帝常服御宣政殿受賀遂大赦改元盡五年

武宗以開成五年正月即位明年正月庚戌郊廟禮畢

大赦改元會昌

盡六年

宣宗以會昌六年十月即位明年正月戊申郊廟禮畢

大赦改元大中

盡十三年

懿宗以大中十三年八月十三日即位明年十一月丁

未郊廟禮畢大赦改元咸通

盡十四年

僖宗以咸通十四年七月二十日即位明年十一月庚

寅郊廟禮畢大赦改元乾符

盡七年

廣明元年

正月帝御宣政殿  
改元盡二年六月

中和元年

七月帝至蜀改廣明二年為中和元年議者以去年改元廣明咸謂廣在唐脚之下而有

日月非其祥也故至是改曰中和塞浮議馬盡五年二月

光啟元年

三月丁卯車駕至京師己巳御宣政殿大赦改元識者曰啟字口戴戈亂未息也盡四年

正月

文德元年

二月戊子御承天門大赦改元盡其年

昭宗以文德元年三月八日即位明年正月御武德殿

受朝賀宣制大赦改元龍紀

盡其年

大順元年

正月戊子朔御武德殿受朝賀宰臣百官上敬號禮畢大赦改元盡二年



景福元年

正月丙午朔御武德殿受朝賀大赦改元盡二年

乾寧元年

正月乙丑朔御武德殿受朝賀大赦改元盡五年四月

光化元年

正月己巳朔以立后改元盡四年二月

天復元年

三月甲戌有事於宗廟是日御長樂門大赦改元盡四年

天祐元年

閏四月謁太廟禮畢御光政門大赦改元

哀帝以天祐元年八月即位不改元

盡四年三月

後唐莊宗以天祐二十年四月己巳即位

唐自天祐四年禪于梁至

是十八年帝在太原只稱天祐 改同光二年 盡四年

明宗以同光四年四月即位改元天成

盡四年

長興元年

二月乙卯祀圜丘禮畢大赦改元盡四年

閔帝以長興四年十二月即位明年正月戊寅御明堂

殿大赦改元應順

盡其年

末帝以應順元年四月即位改元清泰

盡三年

晉高祖以清泰三年十一月即位改元天福

盡七年

少帝以天福七年六月十三日即位九年七月辛未朔

御崇元殿大赦改元開運

盡三年是日宣赦未畢會大雷雨致遽而罷都下震死者

數百人明德門內震落石龍之首  
識者以為石乃國姓蓋不祥之甚

漢高祖以開運四年二月即位于晉陽謂羣僚曰帝王  
稱謂孤已迫於羣情而遜避無所其國號正朔未忍遽  
改繇是降制以少帝開運四年敘天福十二年行事蓋  
以心奉前朝執至義也

盡其  
年

乾祐元年

正月乙卯大赦  
改元盡其年

隱帝諱承祐以乾祐元年二月即位初高祖欲改年號  
中書門下進擬乾和二字高祖改為乾祐至是與帝名

相符帝亦不改

年 盡三

周太祖以乾祐四年正月即位改元廣順

年 盡四

顯德元年

春正月乙未祀圜丘禮畢御明德殿大赦改元

世宗以顯德元年正月丙申即位不改元

恭帝以顯德六年六月甲午即位不改元

年 盡其

冊府元龜卷十五

欽定四庫全書

子部

冊府元龜卷十六至

二十

詳校官中書臣瞿 照

員外郎臣牛稔文覆勘

總校官庶吉士臣何思鈞

校對官中書臣王鍾泰

謄錄監生臣薛登瀛

欽定四庫全書

冊府元龜卷十六

宋 王欽若等 撰

帝王部

尊號一

古者盛德之君若九皇五帝皆典籍之所述也夏商而下降號稱王秦并天下始兼三五而建號然後尊極之名著矣歷代而下遵而不易時或因革理非訟齟踵事增華其流彌盛乃至傾臣子之將順頌君上之徽美守

闕上書備物典策所以極光大之稱流景鑠之懿也若  
乃欽明文思溫恭允塞堯舜之德垂於緇素至於濬哲  
之后據天下之圖受三靈之命億兆欣戴戎夷款附功  
崇德鉅仁深澤廣絲是從人之欲順帝之則擁神休而  
尊明號亦何讓焉

漢高祖初為漢王五年十二月既平項羽

時以十月  
為歲首

正月諸

侯上疏曰楚王韓信韓王信淮南王英布梁王彭越故衡

山王吳芮

漢元年項羽立芮為衡山王後  
又奪之地謂之番君是以曰故

趙王張敖燕

王滅荼昧死再拜言

秦以為人臣上書當言昧死罪而言漢遂遵之

大王陛

下

王者有執兵於階陛之側羣臣與至尊言不敢指斥故呼在陛者告之因卑以達尊也

先時秦

為亡道天下誅之大王先得秦王定關中於天下功最

多存亡安危救敗繼絕以安萬民功盛德厚又加惠於

諸侯王有功者使得立社稷地分已定而位號比儗亡

上下之分

言大王與臣等并稱王是為比類相儗無尊卑之差別也分音扶問切

大王功

德之著於後世不宣

言位號不殊則功德之著明者不宣於後世也

昧死再拜

上皇帝尊號漢王曰寡人聞帝者賢者有也

言賢德之人乃可有



帝號虛言亡實之名非所取也今諸侯王皆推高寡人將

何以處之哉諸侯王皆曰大王起於細微滅亂秦威動

海內又以辟陋之地

辟讀曰僻

自漢中行威德誅不義立有

功平定海內功臣皆受地食邑非私之也大王德施四

海諸侯王不足以道之居帝位實宜願大王以幸天下

幸者吉而免凶可慶幸也故人福喜之事皆稱為幸而死謂之不幸

漢王曰諸侯王幸以

為便於天下之民則可矣於是諸侯王及太尉長安侯

臣綰等三百人

綰廬也

與博士稷嗣君叔孫通

稷嗣邑名謹擇

良日二月甲午上尊號漢王即皇帝位于汜水之陽

汜音

汜在濟陰界取其汜  
愛弘大而潤下也

哀帝太初元年號曰陳聖劉太平皇帝

陳導也言得神  
道聖者劉也陳

舜後王莽陳之後謀語  
以明莽當篡立而不知

後魏顯祖獻文帝既禪位太子於是羣公奏曰在昔三  
王之世澹泊無事故稱皇是以漢高祖既稱皇帝尊其  
父為太上皇明不統天下今皇帝幼冲萬機大政猶宜  
陛下總之謹上尊號太上皇帝乃從之國之大事咸以

間

後周閔帝既受魏禪即天王位至明帝三年八月改天王稱皇帝建元武成元年時崔猷為御史中大夫以為世有澆淳故帝王因以公革今天子稱王不足以威天下請遵秦漢稱皇帝建年號朝議從之

宣帝大象元年自稱天元皇帝所居稱天臺

唐高宗上元元年八月皇帝稱天皇皇后稱天后以避先帝先后之稱

中宗神龍元年十一月文武百官上皇帝尊號曰應天  
皇帝三年八月王公以下表上尊號曰應天神龍皇帝  
九月庚子御太極殿受冊

玄宗先天二年十一月羣臣上表請加尊號為開元神  
武皇帝曰臣聞玄化不宰是有強名聖德彰聞必崇大  
號伏惟陛下首出千古體元獨斷掃氛禳於軒宮闡文  
明於宸極皇綱絕而復正神器危而重安聖達神祇功  
齊天地若無尊號臣下何稱易曰陰陽不測之謂神傳

曰保大定功之謂武陛下斷大事於俄頃見成形於未  
兆故一著呈祥千里傳慶斯所謂不測也興王業於多  
難安生靈於反側故百神奉職四夷納貢斯可謂定功  
也故臣等敢上尊號曰開元神武皇帝伏惟從之手詔  
荅曰朕觀上古人主唯稱帝王一字秦漢以來乃兼皇  
帝朕以薄德嗣守寶位乾乾惕厲懼不克勝豈自崇飾  
以招譴咎雖迫公卿之請終負平生之心所請加號甚  
無謂也羣臣宗子及僧道耆艾等數百人又抗表三上

乃從之戊子遂行冊禮加尊號為開元神武皇帝

開元二十七年二月文武百官及僧道耆耄上表請以  
聖文二字加尊號凡八表然後許之

天寶元年正月甲寅陳王府叅軍田同秀上言玄元皇  
帝降見于丹鳳門之通衢告錫寶符尹喜故宅遣使發  
得之二月享玄元皇帝廟百僚加尊號為開元天寶聖  
文神武皇帝

七載五月壬申文武百僚以休祥累見上表請加尊號

曰應道表再上固違不從甲戌又上表曰臣聞道之應也萬姓叶心德之至也百靈表貺是以帝王從天以受休命臣等奉主以薦尊名下戴上為至忠上納下為大順伏惟陛下垂衣而端拱司契而乘時御宇而氣和提象而物覩臣等上稽儀極下考前訓旁求史氏明徵道書皆可以配至極之崇高建大號之美稱陛下宗師懸解狹五帝之常道恬愉自得陋三王之仁義同符帝典振古莫儔靈寶經曰大寶君者大洞之尊神玉皇之正

氣陛下經高上之至理復帝先之淳源九炁生真二合  
成德殊休應道已契靈文景命揚符宿彰仙籙則知聖  
祖以大道授陛下久矣當以應道答之苟人望洽而固  
違則羣情抑而不副是以公卿宗子懇誠於內縉黃艾  
耄漑歎於外宜蒙納許以昭介福伏惟陛下承上玄乃  
顧之意順普天翊戴之情伏以端午良辰萬壽來應昌  
圖與兩儀配永寶運與三景俱長欽若鴻名克彰厚慶  
聿陳大禮式茂元和臣等謹竭愚誠冒死請加尊號期



於成遂以叶衆心帝手詔報曰禎祥者所以合天人鴻  
名者所以彰德業今封章繼至誠請甚勤敬膺神休允  
答人望宜依來請己卯有司告獻太清宮太廟庚辰告  
昊天上帝皇地祇太社太稷壬午公卿百辟奉冊上尊  
號曰開元天寶聖文神武應道皇帝御興慶殿受冊  
八載六月太白山人李渾上言有神人言金星洞內有  
玉版石記聖皇福壽之符命御史中丞王鉷入仙遊谷  
求而獲之以獻帝御勤政樓受焉於是王公卿士道俗

又請加尊號表三上不從乃詔曰朕欲使人迷日用道  
遠親譽願行其心永守冲約未允來請宜識此懷丙辰  
文武百官禮部尚書崔翹等又上表曰臣聞上玄成命  
錫禎符以應期聖皇乘時受神冊於興運是以啟殊祥  
於景福崇大號於至公伏惟陛下纘重玄之耿光嗣五  
聖之丕緒大德侔於天地至化貫於陰陽感玄道之尊  
運百辟之議三冒闕下累陳洪名陛下猶以固讓為心  
不以至公為意臣等請以符瑞重叙明之日者五星如

連珠兩曜如合璧卿雲蔚膏露凝天之貺也瑤英產於  
金妃玄記開於玉洞神光見真誥傳地之祥也固知天  
地以鴻休報陛下陛下以至德通乾元允宜合符克配  
徽號伏奉乙卯詔書曰志存要妙理却虛名臣又聞之  
天不讓高地不辭大五帝法之而成象三王參之而比  
德先天地者道也聖祖已著於強名合天地者聖也陛  
下允膺於大號式彰妙用豈曰虛名况禎祥感通既著  
於彼靈應參會又符於此是以封章再獻而雲日重光

徽號三陳而烟霄降澤天人交感影響必臻若然者陛下安得闕三才之大端抑萬姓之勤願違祖宗之眷命曠天地之符文臣等固陋猶知不可况真宗示慶秘簡呈文乘王氣於玉行擁神休於寶運伏願光臨大寶允答洪休常垂覆載之仁永保延長之歷天下幸甚帝手詔從之閏月丙寅親謁太清宮上聖祖玄元皇帝為大道玄元及高祖太宗高宗中宗睿宗皇帝並加大聖丁卯羣臣奉上尊號曰開元天地大寶聖文武應道皇

帝御含元殿受冊

十二載十二月庚寅文武百官憲部尚書張筠等上表請上尊號加孝德及改應為證曰開元天地大寶聖文神武孝德證道皇帝凡三上表乃許之

十三載二月甲戌御興慶殿受冊

肅宗至德二年十二月壬申右僕射裴冕與百僚上言曰頃者逆寇亂常悖違天紀六位回薄三光失序上皇南巡以避狄羣臣東沒而面偽當此時也勇者不及奮

智者不及謀則高祖太宗之業將墜於地矣上皇知聖嗣在昌人望大啓乃付陛下以天地之事將復高祖太宗之業告成功於天伏惟陛下至孝恭順格於天地不敢以剪逆夷難之務為上皇憂遂乃赫然龍驤雷動朔野以一旅之衆康天下之逆躬堯之聰明廣聽天下率禹之勤儉以先兆人孝道德茂格于三極故蠻夷君長來庭于要荒之外五玉寶龜納錫于旌門之內其行如雲其植如山莫不裂背致命開懷飲鏃死而後已實乃

甘心是以瘞狗噬臍而遇毒奔鯨觸綸而皆斃大風一  
鼓而沴氣廓清斯實再造生人之極也陛下以上皇未  
至延俟鑿興清宮待幸守而不失今上皇戾止昭德報  
功廣聖人崇本之義徵王者未舉之禮百神奉職親受  
寶符過堯邁舜以慶天下以陛下有光上皇之德經天  
下之文定禍亂之武窮不測之聖通神明之孝故命陛  
下曰光天文武大聖孝感皇帝皆象德景行自然之符  
陛下尚執謙冲遷延若未當者今羣臣咸服睿謀肅將

天下猶各有茅土銘勲景鍾陛下盛德大業終古獨立  
不連即徽號以蔚皇圖臣恐天地神祇勤勞仰止臣謹  
與太常禮官等僉擇請以來歲正月五日上尊號伏惟  
陛下膺天地之誠恭上皇之命遂羣臣之請滿百靈之  
心延光無窮天下幸甚詔曰朕以眇躬敬承明命兩遭  
狂胡擾亂宗社不寧稟上皇至聖之謀當仗鉞秉旌之  
任大師一振殘孽無遺上皇厭彼代紛棄茲人事萬邦  
之重俾付朕躬傳授寶符乃加徽號朕再三固讓實增



卷十六  
弔勉恭膺典冊感慶良深覽卿等來章倍加祗懼依卿  
等所請三年正月戊寅太上皇御宣政殿授帝傳國寶  
符及受命寶符冊帝尊號曰光天文武大聖孝感皇帝  
上言曰陛下顧天位之累已推以付臣臣又畏天命以  
固辭期不奉詔未蒙詔許以辱四海而今加之徽號錫  
以洪名既受寶符又傳神器是重臣以不德私臣以殊  
寵豈天地之容乎神人之望乎臣聞禮有常尊器不可  
假名無虛立義然後行頃以寇逆憑陵京闕失守撫軍

監國事在一時正位居中尊無二上至於光天之業允  
文允武聖繇天作孝以感通臣何有焉此皆陛下之能  
事也曲成之惠在慈愛而愈深至公之道將詢謀而未  
叶伏望寢茲嚴命俯遂勤誠臣之下情不勝至願太上  
皇誥曰昊穹垂裕宗社發祥爾往在髫年素彰岐嶷洎  
乎問寢日增孝敬吾久勤庶務嘗奉至真特好清虛尋  
將付託爾以華戎銳士掃定神州功乃格天德惟邁古  
是用受茲國寶加以大號典章斯集喜慰盈懷實謂道

映前王何必志在讓禮克光丕業以副至公即斷來表  
帝再讓不允又以大聖二字非所當之言曰帝王者天  
所命也稱號者人所奉也惟有德克躋大寶惟至聖始  
享鴻休於是乎人神形容其美行歌咏之不足或為之  
名焉伏惟陛下乾坤覆載河海潤澤道達生靈惠懷蠻  
貊尊九廟以崇孝謁五陵以奉先禮二郊以嚴禋祠九  
宮以致敬刻石北京以揚祖烈泥金東嶽以告成功自  
三五以還歷選列辟聰明文武齊聖廣淵丕懿純殷孰

與比議卓哉煌煌真聖人之表也夫天地至大不能定  
愆伏之序日月運行不能正薄蝕之變自狂孽開覺俶  
擾天紀與時消息為人請命舞干羽而氛祲永清垂衣  
裳而衽席無改納萬姓於仁壽之域朝百神於清穆之  
上嗚然姑射之山思訪襄城之野斯又臣言之不及稽  
古所未聞義軒唐虞何足以云今方推而不居為而不  
有付臣以宗廟重器錫臣以后王徽章何以克堪辭不  
獲命臣自奉明詔夙夜於邑以為名不可假尊不可踰

敬承嚴旨得為孝乎至於所託者深所荷者大不敢恣  
拒以違天衷而大聖二字得之不易求諸故實布在冊  
書伏望陛下顧茲當仁期以制義令王公侯伯卿士兆  
人詢謀僉同稽首闕下臣敢因衆人之議成小子之志  
上尊號於陛下曰太上至道聖皇天帝即命有司擇日  
奉行冊禮其錫臣帝號大聖二字伏願許停如臣言可  
以簡當所希採納如臣誠不足動天伏當待罪將以明  
授受之道辨上下之分不勝臣子下情懇願之極伏惟

陛下俯垂允許以副四海之望表上不允又表曰陛下以宗社再安天下交泰付臣以神器授臣以寶符加臣以寵章錫臣以徽號君親之義惠下之道已彰臣子之心奉上之禮未足臣所以與王公卿士百辟兆人思垂裕後昆乃悲數前美仰陛下之行者衆星之拱北辰悅陛下之澤者百川之赴東海繇是累上尊號敢冒宸威陛下以無為之心不宰萬物抑而未允至於再三羣情顛顛罔知所措一昨辛卯賜誥命曰頻覽章表懇至難

遣爾寶命惟新洪名允集用加大聖之字克副昊天之  
心若成命無渝萬國同歡於翊戴儻固辭不已吾亦未  
膺乎典冊今不許撓謙令斷來表進迫嚴旨何以克堪  
退荷殊私無任隕越小子伏受命矣伏惟陛下允臣所  
請則自下上上日月之光昭從上下下雨露之恩廣臣  
已詢諸龜筮備其禮物請以來月乙巳奉上冊禮聖恩  
招納即日付外施行不勝懇願之至誥曰汝孝以奉親  
明以御宇上從君父之命下順黎元之欲既弘茂實爰

副崇名千古攸高百王是式循環章奏喜慰可知予志  
每集虛心嘗遺炤方契真宗之旨豈云稱號之榮汝就  
養無違歸尊有裕載獻從龜之吉復當乙巳之辰已備  
典章當依來請是月乙巳於興慶殿冊太上皇尊號曰  
太上至道聖皇天帝

乾元元年十二月乙未公卿道俗上表請加號曰乾元  
三表乃許之二年正月朔帝御含元殿受朝賀便冊尊  
號曰乾元大聖光天文武孝感皇帝



上元二年九月壬寅詔曰朕獲守丕業若履春冰敢忘  
謙冲日益招損欲垂範而自我亦去華而就實其乾元  
大聖光天文武孝感等尊崇之稱何德以當之自今已  
後朕號唯稱皇帝

代宗寶應二年四月辛巳宰臣及文武百僚郭子儀等  
上尊號表曰臣聞功莫大於締構乾坤孝莫先於續承  
社稷伏惟皇帝陛下繼述冠於周武中興邁於漢光曩  
者巨逆慢天中原失序生人罹厥角之禍皇運甚綴旒

之危陛下親討元兇指麾戎旅尊先帝於靈武返上皇於巴蜀以一旅而掃定二京不再周而克寧九廟是陛下締構之功也及乎先帝厭代姦臣窺國懷躡足之變搆無將之端陛下隳將成之禍胎挫已就之凶計申大義而誅呂全至公而嗣文日月蝕而重明寰宇傾而再定陛下續承之孝也臣伏以古先帝王繼體踐祚者年踰則改元創業垂統者功成則上號陛下項以先帝梓宮象設猶在橋山石室弓劍未藏固遠體天之典將申

寧戚之義孝思之至又何加焉今二聖靈輔永安陵寢  
萬方黎庶悲夢華胥聖人之哀榮畢矣帝王之功業成  
矣宜其大崇徽號允羣臣顯然之望惟新正朔單四海  
莫大之澤伏願降明詔下有司許臣等徵三代之故事  
考百王之道典改元立號革故鼎新懸之無窮倬映千  
古臣子儀等與羣臣萬姓不勝懇請大願之至手詔答  
曰朕嗣守洪業欽承丕構克清多難奄甸四方聖靈在  
天玄德敷佑南面恭已朕何有焉巨猾削平非予之武

言念海內生人至艱兵鋒猶虞暴骨未掩日旰忘食宵  
分疚懷遽稱成功良謂虛美至宮甫畢豈宜即及改元  
寶位至尊何以更言加號宰臣之任職在輔弼勸進之  
詞深所不取表三上乃許之六月丙申上表獻議曰陛  
下昔在藩邸及登儲閣聰明狗齋齋肅端冕遇闕則下  
入廟必趨及乎著代成人繼明踐阼聖姿天縱神化日  
新學冠九流觀書過於乙夜文高五始逸興麗於秋風  
此則陛下明昭之文德也頃者凶羯亂常彝倫失序陛

下親搃戎旅誅討元凶掩慶緒於雒陽斬朝義於河朔  
罷三司而復其位職人懷莫大之恩收兩京而不問脅  
從國荷非常之澤洎先帝大漸凶臣伺釁陛下釋服即  
戎提戈清難九重遺憲王室危於綴旒百姓不知天下  
安於山岳此則陛下定難之武功也若夫心游繫象之  
表理絕名言之外聖斷沈遠同陰陽之不測睿謨鈎深  
與鬼神而爭奧休氣潛盈草木化為禎祥淳風遠覃蠻  
夷效其獻貢加以明並日月德參乾坤風雨應時自有

雍熙之兆魚鱉咸若更登仁壽之期此則陛下莫大之  
至聖也至於色養盡心慎終追遠問安內豎豈一日而  
忘朝視膳宰夫知再飭而方退及乎三聖遠代九域侵  
臨至性自天哀容觸地門外之禮權依易月之期從心  
之喪實履終天之痛財傾象設力竭山陵莫不德通於  
神明哀感於天地故得役徒百數之衆皆曰子來送終  
三十餘日曾無塗潦此則陛下感通之至孝也若乃神  
告聖運天呈寶符陛下登極之辰泗水見其五壁天兵

減虜之日黃河清於千里神烏白雀之祥填林溢囿卿  
雲甘露之瑞歲至月書此皆靈貺昭告休期之大應也  
且夫允恭濬哲有軒轅戰伐之功焉德合乾坤有伏羲  
尊聖之業焉降天休呈地寶有夏禹玄珪之感焉經天  
緯地之謂文立極中興之謂武變化無方之謂聖精誠  
上通之謂孝降天和騰地氣生無期出有為之謂寶文  
以昭之武以定之聖以成之孝以通之寶以應之夫然  
後可以克天地之洪名崇帝王之大號故臣等犯冒萬

死奉上寶應元聖文武孝皇帝尊號伏願陛下祗膺景  
命對越神祗應天理人光膺大典臣等謹當撰吉日脩  
禮容設九賓覲羣后昭告烈祖清廟展黃琮之儀有事  
昊穹園丘陳蒼璧之禮臣子儀等與羣臣萬姓不勝大  
慶謹上尊號以聞詔下有司七月壬寅御宣政殿受羣  
臣上尊號冊曰寶應元聖文武孝皇帝

德宗建中元年正月丁卯朔改元羣臣上尊號曰聖神  
文武皇帝



興元元年正月朔車駕在奉天詔曰乃者公卿百寮用  
加虛美以聖神文武之號被蒙闇寡昧之躬固辭不獲  
俯遂羣議昨因內省良所瞿然體陰陽不測之謂神與  
天地合德之謂聖豈伊淺劣所敢當文者所以成化武  
者所以定亂朕自君臨于今六載化之不被亂是用興  
豈可苟徇羣情猥當徽號重予不德益用懷慙自今以  
後中外所上書奏不得更言聖神文武之號

貞元五年十月百僚累上表請復徽號詔曰三省來章

彌用兢惕載崇大號何以當之前者示懷蓋非冲讓尚  
勞敦請豈所宜然卿等博達古今列於朝右思弘獻替  
共致太和豈以虛名重予不德再三循復增慙于懷想  
悉深衷勿更陳請

六年九月戊午百僚京城道俗等詣闕抗表請上貞元  
聖神文武皇帝尊號手詔不許十月己亥再詣闕抗表  
猶不許因謂侍臣曰今年春夏亢旱粟麥不登朕精誠  
祈禱獲降甘雨既致豐穰告謝郊廟朕儻因裡祀而受

徽號是有為為之更勿煩請也

順宗永貞元年八月禪位于憲宗十二月辛酉宰臣文武百僚等請上太上皇及皇帝尊號表曰臣聞帝堯之禪虞舜也業歸于異代漢祖之尊太上也禮循乎虛名未有履尊極而捨萬乘之榮奉晨昏而傳七廟之重斯則堯圖非遠漢道未全倬然冠洪名而超古昔者孰若今之盛也伏惟皇帝陛下誕受聖姿欽膺寶歷自天生德與神合契近者太上皇恭默在疚禪授未行萬國注

心思克言以致理羣生屬望渴聖人之利見陛下忠感  
於天地孝達於神明成堯舜之內禪固邦家之景命功  
莫盛於配天孝莫大於寧親讓莫高於傳聖故太上皇  
釋天下之負所以成其讓陛下受宗祧之寄所以保其  
功惟文王為無憂惟武王為善繼夏祀永固周命惟新  
巍巍蕩蕩固無德而稱矣又聞皇帝之道必體於至公  
稱號所加不私於為己將體元以立政必紀年以垂號  
伏願肇茲獻歲允極鴻名發揮玄功昭示景化則太上

皇之德可表於徽冊陛下之孝克施於寰海然後父父子子君君臣臣仰東海者知聖化之深躋南山者願聖人之壽臣等不勝大願請上太上尊號曰應乾聖壽太上皇請上陛下尊號曰文武大聖孝德皇帝因三正之慶會鼓萬國之歡心奉寶冊以薦鴻徽率羣臣而朝上日然後退自問寢列茲充庭先陳教孝之儀方受慶君之禮斯實邦家之耿光也古今之絕典也雖朝賀有次已稟於綸言而徽號所尊益勤於俞詔兆人懇願罔不

顯赫憲宗詔答曰高祖太宗接千載之統垂無疆之休  
太上皇承九聖之烈傳莫大之慶嗣德績業允文允武  
弘帝堯之欽明宗玄元之清淨付朕天下頤神保和至  
道光於唐虞至仁合於天地卿等虔述休德祇獻鴻名  
循省再三允符朕志朕獲守寶位丕承睿訓雖嚴恭寅  
畏不敢怠遑而澤未洽於羣生理未臻於皇極遽言徽  
號何以當之雖嘉乃誠難遂來請其上獻太上皇尊號  
宜依所奏凡百卿士當體至懷明年正月丙寅朔太上

皇居興慶宮受朝賀皇帝率百僚奉上尊號曰應乾聖  
壽太上皇帝

冊府元龜卷十六